



Jumat, 10 November 2023

Ogen: Josua 17:1



"Pahlawan"



Tiap tanggal 10 November bangsa Indonesia mperingeti hari Pahlawan alu erbahan upacara. Tujunna gelah kita selaku bangsa si ndalani kegeluhen tetap nginget kerna perjuangan si ilakoken pejuang-pejuang/pahlawan guna perjuangan kemerdekaan. I tadingkenna keluargana, jabuna bage pe kutana; lit deba mulih alu mejuah-juah, lit ka mulih cacat bahkan lit ka lanai mulih erkiteken mate asum erjuang. Tentuna si enda kerina la banci kita lupa sebab perjuangan si ilakoken para pahlawannta gelah kita gundari jadi bangsa si merdeka. Pahlawan-pahlawan nasional dilaki bage pe diberu kerina radu ras mperjuangkan kerna kemerdekaan bangsa ras negaranta.

Labo terjeng pejuang bas negara ngenca i kataken pahlawan, tapi pe pejuang-pejuang (misionaris) si nehken berita si meriah man banta kalak karo seh maka kita banci ngenanami dinging meteh kerna Kata Dibata e pe igelari pahlawan. Bas ogenta ituriken maka keluarga manase eme pahlawan perang. Perjuangenna e erbahanca ia ndatken sada bagin tanah siarah barat Lau Jordan. Eme jadi penghargaan ibereken Dibata man pahlawan perang e.

Genduari enggo sinanami ulih perjuangan sindube, ngatakenca kai dage si banci sibereken man para pejuangta sindube. Adi kalak Israel iberekenna taneg, kita berekenlah dirinta guna nerusken perjuangan e. jadikan geluh enda reh ulina, nuriken dinging mabai kalak sideban ku bas geluh benar ras adil. Sibenaken ibas jabunta nari, erjuang janah terus erjuang, seh paksana ruluh dinging idah kalak sideban perjuangan e. iakuina dinging bas paksana sialoken me penghargaan ibassa ras bas Dibata nari.